

法苑珠林

才五十四

四百六十六
書四

51432



元祿九年丙子二月日重脩

皇圖鞏固 帝階綴呂

佛日增輝 懋輪常轉

山城州天安寺法金剛院置

法苑珠林卷第五十四

書

大唐上都西明寺沙門釋道世字玄暉撰

詐偽篇第六十

此有六部

惰慢篇第六十一

迷意部

詐親部

詐毒部

詐貴部

詐怖部

詐畜部

迷意部第一

夫至道無隔貴在忠言故出

其言善則千里應之出其言不善則咫尺

如

聾但教流末代人法訛替或憑真以構偽或

飾虛以詐真良由人懷邪正故法通真俗名

利既侵則我人逾盛現親尚無附之況元來

踈薄故難交友故經曰直心是道場不虛假

故也

詐親部第二

如雜寶藏經云一切姦猾諂偽詐惑外狀似
直內懷姦私是故智者應察真偽爲如往管
有婆羅門其季旣老耽娶小婦婦嫌夫老傍
媼不已勸夫設會請諸少壯婆羅門等夫疑
有妾不肯延致前婦之子墮於火中尔時少
婦眼看不捉婆羅門言兒今墮火何故不捉
婦即荅言我自少來唯近已夫不近餘男云
何令我捉此男子老夫聞已謂如其言便設
大會集婆羅門尔時少婦便共交通老夫見
已心懷忿恨即取寶物棄婦而去於其路中
見一婆羅門便共爲伴至暮共宿明日前行
語老婆羅門言於昨宿處有一草葉著我衣

裳我自少來無侵世物欲還草葉歸彼主人
余且停住待我往還老婆羅門深信其言倍
生愛敬許當任待詐捉草葉入溝偃卧良久
乃還葉云歸了老婆羅門因便利故即以寶
物而用寄之此人尋後齋寶便走老婆羅門
見偷已物惋彼不已小復前行憩一樹下見

一鵲雀口中銜草語諸鳥言我等共相憐愍
集會一處而共住止余時諸鳥皆信其言而
來聚集時此鵲雀趣鳥飛後就他巢窠啄外
而食諸鳥將至更復銜草諸鳥知諂悉捨而
去於此樹下更經少時見一外道出家之人
身被衲衣安行徐步口云去去衆生老婆羅

門而問之言何以並行口唱去去外道荅言
我出家人憐愍一切畏傷虫蟻是故耳尔時
婆羅門見其此語深生篤信尋至其家於其
暮宿但聞歌僊之聲便出看之乃見出家外
道住室有一地孔內出婦女與共交歡彈琴
舞戲老婆羅門見已天下万物無一可信故
說偈言
不捉他男子
以草還主人
鶴雀詐銜草
外道畏虫傷
口言唱去去
如是詐諂偽
都無可信者
來苦實難當

故涅槃經云佛言如我昔日所說偈言

一切江河必有迴曲一切藜林必名樹木
一切女人必有諂曲一切自在必受安樂

詐毒部第三 如雜寶藏經云時提婆達多
作種種因緣欲得煞佛然不能得時南天竺
國有婆羅門來善知呪術和合毒藥提婆達多
即合毒藥以散佛上風吹此藥反墮已頭上即
便悶絕躄地欲死醫不能治阿難白佛言世
尊提婆達多被毒欲死佛憐愍愍故為說實語
我從菩薩成佛已來於提婆達多常生慈悲
無有惡心者毒當自滅作是語已毒即消滅
諸比丘言希有世尊提婆達多恒起惡心於
如來如來云何猶故治之佛言非但今日惡
心向我過去亦尔即問佛言惡心於佛其事
云何佛言過去之世迦尸國中有波羅柰城

有二輔相一名斯那二名惡意斯那常順法
行惡意恒作惡行好爲讒構而語王言斯那
欲作惡逆王即收閉諸天善神於虛空中出
聲而言如此賢人實無過罪云何拘縛第二
惡意劫王庫藏反著斯那王亦不信王言捉
此惡意付與斯那仰使斷之斯那即教惡意
向王懺悔惡意自知有罪便走向毗提醯王
所作一寶篋盛二惡虵其毒具足今毗提醯
王遣使送與彼國王并及斯那二人共看莫
示餘人王見寶篋極以嚴飾心大歡喜即喚
斯那欲共發看斯那荅言遠來之物不得自
看遠來果食不得自食何以故彼有惡人或

能以惡來見中傷王言我必欲看殷勤三諫
王不用語復白王言不用臣語王自看之臣
不能看王即發看兩眼盲冥不見於物斯那
憂苦愁悴欲死遣人四出遍歷諸國遠覓良
藥既得好藥以治王眼平復如故尔時王者
舍利弗是尔時斯那者我身是尔時惡意者
提婆達多是也

詐貴部第四 如僧祇律云佛告諸比丘過
去世時有城名波羅柰國名迦尸時有弗盧
醯大學婆羅門為國王師常教學五百弟子
時婆羅門家生一奴名迦羅呵常使供給諸
童子等是奴利根聞說法言盡能憶持此一

時共諸童子小有嫌恨便走他國詐自稱言
我是盧醯婆羅門子字耶若達多語此國師
言我是波羅柰國王師弗盧醯子故來至此
欲從大師學婆羅門法師荅言可尔是奴聰
明李已曾聞今復重聞聞悉能持其師大喜
即令教授五百門徒汝代我教我當往來主
家是師無有男兒唯有一女即告之曰耶若
達當用我語汝莫還國我今以女妻汝荅言
從教作生活家漸豐樂耶若達多為人難可
婦為作食恒瞋生熟不能適口婦常念言脫
有行人從波羅柰國來者當從彼受飲食法
然後供養夫主彼弗盧醯婆羅門具聞是事

便作是念我奴迦羅呵逃在他國當往捉來
或可得直便詣彼國時奴與諸門徒詣園遊
戲在於中路遙見本主即便驚怖密語門徒
汝等還去各自誦習門徒去已便到主前頭
面禮足白其主言我來此國稱道大家是我
之父便投此國師大學經典與女為婦願尊
今日勿彰我事當與奴直奉上大家主婆羅
門善解世事即荅言汝實我兒但早發遣奴
即將主歸家告家中言我所親來其婦歡喜
為辦種種飲食奉食訖已伺小空閑密禮婆
羅門足而問之曰我奉事夫飲食供養常不
可意願尊指授本在家時何所食噉常如先

法為作飲食客婆羅門便即瞋恚而作是念
如是如是困苦他女汝但速發遣我我臨去時
教汝一偈使夫無言女聞歡喜辭出而退即語
夫言尊婆羅門故從遠來宜早發遣夫即念
言如婦所說宜應早遣莫令久住恐言漏失
損我不少便大與財物教婦作食自行供之
夫為曹王求伴不在婦奉食訖禮足辭別請
求先偈即教偈言
無親遊他方

欺誑天下人

魚食是常食

細食復何嫌

今與汝此偈若彼瞋恚嫌食惡時便在其邊
背面微誦令其得聞作是教已便還本國是
奴送主去已每至食時還復瞋恚婦於夫邊

試誦其偈夫聞是偈心即不喜便作是念出
是老物發我嗔穢從是已後常作軟語求婦
不瞋恐婦向人說其陰私佛告諸比丘時本
主弗盧醯婆羅門者即我身是時奴迦羅呵
者今闡陀比丘是彼於尔時已曾恃我凌他
今復如是恃我勢力凌易他人

詐怖部第五

如智度論云一切諸法皆是

虛誑衆生愚癡不識親疎瞋罵加害乃至奪
命起此重罪故墮三塗受無量苦譬如山中
有一佛圖彼中有一別房房中有鬼來恐惱
道人故諸道人皆捨房去有一客僧來維那
處分令住此室房而語之言此房中有鬼神

喜惱人能任中者住客僧自以持戒力多聞
故言小鬼何所能爲我能伏之即入房住暮
更有一僧來求此任處維那亦令在此房住
亦語有鬼惱人其人亦言小鬼何所能爲我
當伏之先入者閉戶端坐待鬼後來者夜闍
打門求入先入者謂爲是鬼不爲開戶後來
者極力打門在內道人以力拒之外者得勝
排門得入內者打之外者亦打至旦相見乃
是故舊同學識已各相愧謝衆人雲集咲而
怪之衆生亦復如是五陰皆虛無我無人取
相鬪諍橫加毒害若披解在地但有骨肉無
人無我是故菩薩語衆生言汝等莫於根本

空中闢諍人身尚不可得何況值佛

詐畜部第六 如舊雜譬喻經云管有婦

人富有金銀與男子交通盡取金銀衣物相

逐俱去到一急水河邊男子語言汝持財物

來我先度之當還迎汝男子度已便走不還

婦人獨住水邊憂苦無人可殺唯見一野狐

捕得一鷹復見河魚捨鷹拾魚魚既不得復

失本鷹婦語狐曰汝何太癡貪捕其兩不得

其一狐言我癡尚可汝癡劇我也

又僧祇律云佛告諸比丘過去世時非時連

雨七日不止諸放牧者七日不出時有餓狼

飢行求食遍歷七村都無所得便自剋責我

何薄相經歷七村都無所得不如守齋住遠
山林自於窟穴呪願言使一切衆生皆得安
隱然後攝身安坐閉目帝釋至齋日月乘伊
羅白龍象觀察世間持戒破戒到彼山窟見
狼閉目思惟便是念咄哉狼獸甚爲奇特
人尚無此心況此狼獸而能如是便欲試之
知其虛實釋即變身化爲一羊在窟前任高
聲命群狼時見羊便作是念竒哉齋福報應
忽至我遊七村求食不獲今暫守齋餽饌自
來厨供已到但當食已然後守齋即便出穴
往趣羊所羊見狼來便驚駢走狼便尋逐羊
去不住追之旣遠羊化爲狗方口舐耳反來

逐狼急聲喚之狼見狗來驚怖還走狗急追
之劣乃得免還至窟中便作是念我欲食彼
反欲噉我介時帝釋便於狼前作跛脚羊鳴
喚而住狼作是念前者是狗我飢悶眼華謂
為是羊今所見者此真是羊復更諦觀看耳
角尾真實是羊便出往趣羊復驚走驕逐垂
得復化作狗反還逐狼亦復如前我欲食彼
反欲見噉時天帝釋即於狼前化為羔子鳴
群喚母狼便瞋言汝作肉段我尚不出況為
羔子而欲見欺還更守齋靜心思惟時天帝
釋知狼心念還齋猶作羊羔於狼前任狼便
說偈言
若真實是羊
猶故不能出

況復作虛妄

如前恐怖我

見我還齋已

汝復來見試

假使爲肉段

猶尚不可信

況作羔羊子

而詐喚咩咩

於是世尊而說偈言

若有出家人

持戒心輕漂

不能捨利養

猶如狼守齋

又五分律云佛告諸比丘乃往古昔有一摩

納在山窟中誦剎利書有一野狐住其左右

專聽誦書心有所解作是念言我解此書語

足堪作諸獸中王作是念已便起遊行逢羸

瘦野狐便欲煞之彼言何故煞我答言我是

獸王汝不伏我是以相煞彼言願莫煞我我

當隨從於是二狐便共遊行復逢一狐又欲

煞之問荅如上亦言隨從如是展轉伏一切
狐便以群狐伏一切爲復以衆爲伏一切虎
復以衆虎伏一切師子遂權得爲王旣作王
已復作是念我今爲獸中王不應以獸爲婦
便乘白鳥率諸群獸不可稱數圍迦夷城數
百千市王遣使問汝諸群獸何故如是野狐
荅言我是獸王應娶汝女與我者善若不與
我當滅汝國還白如此王集群臣共議唯除
一臣皆云應與所以者何國之所恃唯賴爲
馬我有爲馬彼有師子爲馬聞氣惶怖伏地
戰必不如爲獸所滅何惜一女而喪一國時
一大臣聰叡遠略而白王言臣觀古今未曾

聞見人王之女與下賤獸臣雖弱昧要煞此
狐使諸群獸各各散走言王即問何計將兵馬
出大臣荅言臣但剋期戰日先當從彼求索一
願願令師子先戰後吼彼謂吾畏必令師子
先吼後戰王至戰日當勅城內皆令塞耳王
用其語遣使剋期并求上願至于戰日復遣

信求然後出軍軍鋒欲交野狐果令師子先
吼野狐聞之心破七分便於為上墜落于地
於是群獸一時散走佛以是事而說偈言

野狐憍慢盛

欲求其眷屬

行到迦夷城

自稱是獸王

人憍亦如是

領統於徒衆

在摩竭之國

法王以自号

尔時迦夷王者我身是聰叡大臣者舍利弗
是野狐王者調達是諸比丘調達往管詐得
眷屬今亦如是故佛說偈云 善人共會易

惡人共會難 惡人共會易 善人共會難

又佛本行經云尔時佛告諸比丘言我念管
有一河名波利耶多

隋言彼節

時彼河岸有一人

是結華塲師其人有一園在彼河側而彼河內
時有一龜從水而出至華園中求食而行處
處經歷蹋壞其華時彼園主見龜壞華園主
即捉置於一筐篋中將欲煞食彼龜作念云
何得脫此難作何方便誑此園主即向園主
而說偈言 我從水出身有泥

汝且置華洗我體

我身既有泥不淨

恐畏汙汝篋及華

時彼園主作如是念善

哉此龜善言教我今不得不取其言我洗其

身勿令泥汙我之華篋作是念已即手執龜

將向水所欲洗龜身是時彼人即提龜出置

於石上抄水欲洗是時彼龜出大筋力忽投

沒水時華鬘師見龜沒水作如是言奇哉是

龜乃能如是誑逗於我我今還可誘誑是龜

使令出水時華鬘師即向彼龜而說偈言

賢龜諦聽我作意

汝今親舊甚衆多

我作華鬘繫汝咽

恣汝歸家作喜樂

尔時彼龜作如是念此華鬘師妄言誑我彼

師母患著牀其姊採華造鬘欲賣以用活命
今作是言定是誑我欲食我故誘我出耳是
時彼龜向華鬘師而說偈言

汝家造酒欲會親

廣作種種諸味食

汝至家內作是語

龜肉煮已脂糝頭

尔時佛告諸比丘言汝諸比丘欲知彼時入
水龜者我身是也華鬘師者魔波旬是其於
尔時欲誑惑於我而不能著今復欲誑何由
可得又佛告諸比丘言我念往昔於大海
中有一大虬其虬有婦身正懷妊忽然思欲
獠猴心食以是因緣其身羸瘦痿黃宛轉戰
慄不安時彼特虬見婦身體如是羸瘦無有

顏色見已問言賢善仁者汝何所患欲思何
食我不聞汝從我索食何故如是時其犴虬
默然不報其夫復問汝今何故不向我道婦
報夫言汝若能與我隨心願我當說之若不
能者我何假說夫復荅言汝但說看若可得
理我當方便會覓令得婦即語言我今意思
獼猴心食汝能得不夫即報言汝所須者此
事甚難所以者何我居大海猴在山樹何由
可得婦言柰何若不得是物此胎必墮我身
不久恐取命終是時其夫復語婦言賢善仁
者汝且容忍我今求去若成此事深不可言
則我與汝並皆慶使尔時彼虬即從海出至

於岸上去岸不遠有一大樹名優曇婆羅

隋言

水願時彼樹上有一大獼猴在於樹頭取果子

食是時彼虬既見獼猴在樹上坐食於樹子

見已漸漸到於樹下到已即便共相慰喻以

美語言問評獼猴善哉善哉婆私師吒在此

樹上作於何事不甚辛勤受苦惱耶求食易

得無疲倦不獼猴報言如是仁者我今不大

受於苦惱虬復重更語獼猴言汝在此處何所

食敢獼猴報言我在優曇婆羅樹上食敢其

子是時虬復語獼猴言我今見汝甚大歡喜

遍滿身體不能自勝我欲將汝作於善友共

相愛敬汝取我語何須住此又復此樹子少

無多云何乃能此處願樂汝可下來隨逐於
我我當將汝度海彼岸別有大林種種諸樹
華果豐饒獼猴問言我云何得至彼處海水
深廣甚難越度云何堪度是時彼虬報獼猴
言我背負汝將度彼岸汝今但當從樹下來
騎我背上今時獼猴心無定故狹劣愚癡心
生歡喜從樹而下上虬背上欲隨虬去其虬
內心生如是念善哉善哉我願已成即欲相
將至自居處及獼猴俱沒於水猴問虬言善
友何故忽沒於水虬即報言我婦懷妊彼如
是思欲汝心食以是因緣我將汝來今時獼
猴作如是念嗚呼我今甚不吉利自取磨滅

作何方便而得免此急速厄難不失身命復
如是念我須誑虬作是念已而語虬言仁者
善友我心留在優曇婆羅樹上寄著不持將
行仁於當時云何不依實語我知今須汝心
我於當時即將相隨善友還迴放我取心得
已還來 余時彼虬聞獼猴語已二俱還出
獼猴見虬欲出水岸是時獼猴努力奮迅捷
疾跳躑出大筋力從虬背上跳下上彼優曇
大樹之上其虬在下少時停待見猴淹遲不
下而語之言親密善友汝速下來共汝相隨
至於我家獼猴默然不肯下樹虬見獼猴經
久不下而說偈言

善友猕猴得心已

願從樹上速下來

我當送汝至彼林

多饒種種諸果樹

尔時猕猴作是思惟此虬無智即說偈言

汝虬計校雖能寬

而心智慮甚狹劣

汝但審諦自思忖

一切衆類誰無心

彼林雖復子豐饒

及諸菴羅等妙果

我今意實不在彼

寧自食此優曇婆

尔時佛告諸比丘言當知彼時大猕猴者我

身是也彼虬者魔波旬是於時猶尚誑惑於

我而不能得今復欲將世間五欲之事而來

誘我豈能動我此之坐處 又雜寶藏經云

昔有烏梟共相怨憎烏待晝日知梟無見踰

煞群鳥散食其肉鳥便於夜知鳥眼闇復啄
群鳥開罩其腹亦復散食畏晝畏夜無有竟
已有一智鳥語衆鳥言已爲怨憎不可求解
終相誅滅勢不兩全宜作方便殄覆諸鳥然
後我等可得歡樂若其不尔終爲所敗衆鳥
荅言當作何方得滅讎賊智鳥荅言尔等衆
鳥拔我毛羽破我頭我當設計要令殄覆即
如其言憔悴形容向鳥穴外而自悲鳴聞其
聲已便言今尔何故破傷来至我所鳥語鳥
言衆鳥讎我不得生活故来相投以避怨惡
時鳥憐愍愍遂便養給恒與殘肉日月轉久毛
羽平復鳥作微計銜乾樹枝并諸草木著鳥

穴中似如報恩梟語烏言何用是為烏即荅
言孔穴之中純是冷石用此草木以御風寒
梟以為尔默然不荅而烏於是即求守孔空
作給使令用報恩時會暴雪寒風猛盛眾梟
率尔来集孔中烏得其便尋生歡喜銜牧人
火用燒梟孔眾梟一時於孔焚滅尔時諸天

說偈言曰

諸有宿嫌處

不應生體信

如烏詐託善

焚滅眾梟身

又六度集經云管者菩薩為孔雀王從妻五
百棄其舊匹欲娶青雀為妻其青雀唯食甘
露好果孔雀為妻曰行取之其國王夫人有
疾夢觀孔雀云其肉可為藥寤已啓聞王令

獵士疾行索之。夫人曰：有能得之者，毋以季女賜金千斤。國諸獵士分布行索，覩孔雀王從一青雀在常食處，即以蜜麩每處塗樹孔。雀輒取以供其妻。射師以蜜麩塗身，踞坐而候孔雀。取麩人應手獲之。焉孔雀曰：子之勤身必爲利也。吾示子金山，可爲無盡之寶。子原吾命矣。獵者又曰：大王賜吾千斤金，妻以季女。豈信汝言乎？剋以送獻汝矣。孔雀見王曰：大王懷仁潤無不周，願納微言，乞得少水。吾以慈呪服之，疾瘳矣。若其無効，受罪不晚。王順其意，夫人服之，衆疾皆瘳。華色煒曄，宮人皆然。舉國歎王弘慈，全孔雀之命，獲延一國之壽。

孔雀曰願得投身于彼大湖并呪其水率土
黎民衆疾可瘳若有疑妄願以杖捶吾足王
曰許可孔雀如之國人飲水並皆得力韻聽
盲視瘖語癖申衆疾皆然夫人疾除國人並
得無病兼無害孔雀之心孔雀具知向王陳
曰受王生潤之恩吾報濟一國之命報畢乞
退王曰可尔雀即翔飛升樹重曰天下有三
癡王曰何謂三耶一者吾癡二者獵士癡三
者大王癡王曰願釋之也雀曰諸佛重戒以
色爲火燒身危命貪色之由也吾捨五百供
養之妻而貪青雀索食供之有如僕使爲狂
網所得殆危身命斯吾癡也獵者之癡吾至

誠之言捨一山之金棄無窮之寶信夫人邪
偽之欺望季女之妻覩世狂愚皆斯類矣損
佛真誠之戒信鬼魅之欺酒藥淫亂或度破
門之禍或死入太山其苦無數思還爲人
猶無羽之鳥欲飛升天豈不難哉姪婦之妖
蠱喻彼魑魅靡不由之亡國危身而愚夫尊
之方言無一誠也而射師信之斯謂獵者愚
矣王得天鑿除一國疾諸毒都滅顏如盛華
巨細欣賴而王放之王始欲殺吾以肉療夫人
疾斯謂王愚矣佛告舍利弗孔雀王者自是之後
周旋八方輒以神藥慈心布施愈衆生病孔雀王
者吾身是也國王者舍利弗是也獵者調達是

也夫人者調達婦是菩薩慈慧度無極行布施
如是 又雜寶藏經云佛言乃往過去時

有蓮華池多有水鳥在中而住時有鸛雀在
於池中徐步舉脚諸鳥皆言此鳥善行威儀
徐序不惱水性時有白鵝而說偈言

舉脚而徐步

音聲極柔輒

欺誑於世間

誰不知諂讒

鸛雀語言何為作此語來

共作親善白鵝荅言我知汝諂讒終不親善
汝欲知尔時鵝者即我身是也尔時鸛雀者
今提婆達多是也 又雜寶藏經云佛言於

過去世雪山之側有山鷄王多將鷄衆而隨
從之雞冠極赤身體甚白語諸鷄言汝等遠

離城邑聚落莫與人民之所噉食我等多諸
怨嫉好自慎護時聚落中有一猫子聞彼有
雞便往趣之在於樹下徐行佞視而語鷄言
我為汝婦汝為我夫而汝身形端正可愛頭
上冠赤身體俱白我相承事安隱快樂鷄說
噉言

猫子黃眼愚小物

觸事懷害欲噉食

不見有畜如此婦

而得壽命安隱者

介時鷄者我身是也介

時猫者提婆達多是也咎於過去欲誘誑我

今日亦復欲誘誑我索我徒眾 頌曰

奸情詐癡今信匪疑 偽現依附 虛誑來隨

外親內損夙夜侵移 久共同住 方覺相欺

九素七情慢篇第六十一 此有二部皆尚耳

迷意部第一 天人所以不得道者由於心神昏惑心神所以昏惑由於外物擾之擾之者多其事略三一則勢利榮名二則妖妍靡曼三則甘脂肥濃榮名雖日用於心要無晷刻之累妖妍靡曼方之已深甘脂肥濃為累甚切万事云云皆三者之枝葉耳聖人知不斷此三事故求道無從可得如水火擁之熯之則其用弥全決之散之則其勞弥薄故論云質微則勢重勢微質重是以思之惻之寔由勤功而悟道惰之慢之良由貪聲色而障聖所以釋氏震法鼓於鹿苑夫子揚德音於陬魯尚耳

目所不聞豈心識之能契也 引證部第二

如薩婆多論云波羅提木叉之戒五道而言
唯人道得戒餘四不得如天道以著樂深重
不能得戒如咎一時大目連以弟子有病上
忉利天以問耆婆正值諸天入歡喜園尔時
目連在於路側立待一切諸天無願看者唯
耆婆後至願見目連向舉一手乘車直過目
連自念此本人間是我弟子今受天福以著
天樂都失本心即以神力制車令住耆婆下
車礼目連足目連種種因緣呵責耆婆答目
連曰以我人中為大德弟子是故舉手問訊
頗見諸天有尔者未有時目連勸誠釋提桓

因佛世難值何不數數相近諮受正法帝釋
欲解目連意故遣使勅一天子今來反覆三
喚猶故不來後不應已而來帝釋白目連曰
此天子唯有一天女一妓樂以自娛樂以滌
欲情深雖復命重不能自割故不肯來況作
天主種種宮觀無數天女須食自然百味百
千伎樂以自娛樂視東忘西雖知佛世難遇
正法難聞而以滌樂纏縛不得自在知復如
何三塗苦難無緣得戒人中唯三天下得戒
北鬱單越無有佛法不得戒以福報障并愚
癡故不受聖法 又善見律云時有六群比
丘自身在下請法人在高而爲說法以慢法

故佛呵責之佛語比丘往笮波羅奈國有一居士名曰車波加其婦懷妊思菴羅果語其婿言我思菴羅果君爲我覓其夫荅言此非果時我云何得婦語夫言君若不得我必當死夫聞婦語心自念言唯王園中有非時果我當往偷作是念已即夜入王園取果未得明相已出不得出園於是樹上截住時王與婆羅門入園欲食菴婆羅果婆羅門在下王在高座婆羅門爲王說法偷果人樹上自念言我偷果事應合死因王聽婆羅門說法我今得脫我今無法王亦無法婆羅門亦無法何以故我爲婦故而偷王果王由憍慢故

師在下座自在高座而聽說法婆羅門為貪
利養故自在下座為王說法我今三人相與
無法我今得脫即便下樹往至王前而說偈
言
二人不知法
二人不見法
教者不依法
聽者不解法
為是飲食故
我言是無法
為以名利故
毀碎汝家法

王聞此偈怒偷果人罪我為凡時尚見非法
況今成佛汝諸弟子為下人說法時偷果人
者我身是也
又智度論云如迦葉佛時有
兄弟二人出家求道一人持戒誦經坐禪一
人廣求檀越修諸福業至釋迦佛出世一人
生長者家一人作大白為力能破賊長者子

出家學道得六神通阿羅漢而以薄福乞食
難得他日持鉢入城乞食遍不能得到白鳥
廐見王供爲種種豐足語此爲言我之與汝
俱有罪過爲即感信三日不食守爲人怖求
覓道人見而問言汝作何術令王白鳥病不
能食耶荅曰此爲是我先身時弟共於迦葉
佛時出家學道我但持戒誦經坐禪不行布
施弟但廣求檀越作諸布施不持戒不學問
以其不持戒誦經坐禪故今作此爲大修布
施故飲食備具種種豐足我但行道不修布
施故今雖得道果乞食不能得以是事故因
緣不同雖值佛世猶故飢渴 又百喻經云

管外國節度之日一切婦女盡持優鉢羅華
以爲鬘飾有一貧人其婦語言尔若能得優
鉢羅華來與我爲尔作妻若不能得我捨尔
去其夫先来常善能作鴛鴦之鳴即入王池
作鴛鴦鳴偷優鉢羅華時守池者而作是問
池中者誰而此貧人失口荅言我是鴛鴦守
者捉得將詣王所而於中道復更和聲作鴛
鴦鳴守池者言尔先不作今作何益世間愚
人亦復如是終身殘害作衆惡業不習心行
使令調善臨命終時方言今我欲得修善獄
卒將去付閻羅王雖欲修善亦無所及如彼
愚人欲到王所作鴛鴦鳴 又百喻經云

有大富長者左右之人欲取其意皆盡恭敬
長者唾時左右侍人以脚踏却有一愚者不
及得蹋而作是言若唾地者諸人蹋却欲唾
之時我當先蹋於是長者正欲咳唾時此愚
人即便舉脚踏長者口破脣折齒長者語言
汝何以故蹋我脣口愚人具答所由故唾未
出舉脚先蹋望得汝意凡物須時時未及到
強設功力反得苦惱以是之故世人當知時
與非時

頌曰

惰學迷三教

問者不知一

合萼不結核

敷華何得實

徒生高慢心

陵他非好畢

墜落幽闇道

關閉牢深密

一入百千季

方億苦切逼

對苦悔無知

方由惰慢擯

聖人善取辟

愚智須明律

英雄慢法時

焉知悔今日

感應緣

略引八驗

晉抵世常至晉太康中有富人居時禁晉人
作沙門常奉法不懼憲網潛於宅中立精舍
供養沙門于法蘭亦在其中比丘來者不憚
後有僧來姿形頽陋衣弊足泥常遂作礼命
奴洗足僧曰恒自洗之何用奴也常曰老病
以奴自代僧不許常私罵而去僧現八尺形
容儀光偉飛行而去常撫膺自撲泥中家內
僧屈行路五六十人望見空中數十丈分明
奇香芬氲一月留宅 莊子曰人而不學

謂之視肉學而不行命之曰撮囊

列女傳曰河南樂羊子嘗行得遺金還以與妻妻曰妾聞志士不飲盜泉廉者不受嗟來之食況拾遺求利以汙其行乎羊子慙棄金於野速尋師而學

文子曰上學以神聽

之中學以心聽之下學以耳聽之

孫卿子曰不登高山不知天之高也不聞先王之遺言不知學問之大君子之學入乎耳著乎心布乎四支形乎動靜小人學出手口入乎耳目目之間四寸耳曷足以美七尺之軀

鹽鐵論曰內無其質而外學其文雖

有賢師良友若畫暗鏤冰費日損功故良師

不能飾成施澤香不能加嫫母

說苑曰晉平公問師曠曰吾年七十欲學恐

已暮矣對曰暮何不炳燭乎臣聞少而學者

如日出之陽壯而學者如日中之光老而學

者如炳燭之明炳燭之明孰與昧行平公曰

善哉論衡曰手中無錢而之市決貨貨

主必不與也夫胸中無學亦猶手中無錢也

法苑珠林卷第五十四

書

詐側駕反惰慢上徒卧反奸滑上古顏反諂檢

反優於憶反惋烏貫反憩去例反窠音科讒士咸反驕音奔

也遊也耽丁含反跛布火反咩羊鳴叟同躡徒盍盍筐

篋 上叶反 下 咽 音煙 糕 桑感反 虬 渠幾反 痿 為於

反 慄 音栗 犛 音母 狹 侯夾反 努 奴古反 跳 上徒反 躑 下直反 踞

反 淹 衣廉反 梟 古堯反 躄 徒盍反 罩 陟教反 麩 尺沼反 踞

居 御 療 音抽 焯 下于反 擘 鬼反 黎 郎奚反 捶 之累反

癖 匹亦反 迄 許愈反 猫 莫交反 晷 居委反 鄒 側鳩反 廐 音救

也 馬 咳 下上湯 唾 苦得反 葶 逆各反 核 下革反 楫 音肩

扠 都禮反 潛 昨反 憚 徒案反 膺 於陵反 鏤 音陋 嫫

醜 婦 也 劇 力碑反

[Faint background text and bleed-through from the reverse side of the page]

